

জলবায়ু তহবিল (MDTF) ব্যবস্থাপনায় বিশ্ব ব্যাংক-এর কতৃত্ব প্রতিষ্ঠার পায়তারার বিরুদ্ধে নাগরিক প্রতিবাদ কর্মসূচী

জলবায়ু তহবিল ব্যবস্থাপনায় বিশ্ব ব্যাংক-এর কতৃত্ব প্রতিষ্ঠার পায়তারার বিরুদ্ধে বুকে দাড়াও অন্যায় খবরদারী বাতিল কর

প্রিয় মহোদয়,

১. আমরা বিভিন্ন বেসরকারী সংগঠন, নাগরিক গণআন্দোলন ও পেশাজীবী সংগঠন (এসো, বাংলাদেশ ট্রেড ইউনিয়ন কেন্দ্র, BNNRC, BDPC, কৃষাণী সভা, CAB, CSRL, COAST, EquityBD, MFTD, প্রদীপ, স্বাধীন বাংলা গার্মেন্টস শ্রমিক কর্মচারী ফেডারেশন, উন্নয়ন অন্বেষণ ও ভয়েস) এর প্রতিনিধিবর্গের পক্ষে জলবায়ু পরিবর্তন ঝুঁকি মোকাবেলায় বাংলাদেশ সরকার কতৃত্ব গঠিত Multi Donor Trust Fund (MDTF) এর ব্যবস্থাপনার ব্যাপারে দেশের সাধারণ জনগন, সচেতন নাগরিক সমাজ, সংবাদ মাধ্যম কর্মী, পেশাজীবী ও উন্নয়ন নীতি নির্ধারকদের দৃষ্টি আকর্ষণ করছি।

আপনারা অবগত আছেন যে, বিগত তত্ত্বাবধায়ক সরকারের আমলে জলবায়ু পরিবর্তন ঝুঁকি মোকাবেলায় সরকার দেশের বিভিন্ন উন্নয়ন সহযোগীদের সহযোগিতায় Multi Donor Trust Fund (MDTF) গঠনের প্রক্রিয়া শুরু করে। জলবায়ু তহবিল উন্নয়ন ও ব্যবস্থাপনা বিষয়ক সেপ্টেম্বর ২০০৮ এ লন্ডনে অনুষ্ঠিত সম্মেলনে সাবেক তত্ত্বাবধায়ক সরকারের অর্থ উপদেষ্টা উল্লেখিত Trust Fund তহবিল ব্যবস্থাপনায় বিশ্ব ব্যাংক-এর কতৃত্বকে সমর্থন করেছিলেন। আমরা সংবাদ সম্মেলন ও সেমিনার এর মাধ্যমে সাবেক অর্থ উপদেষ্টার অযৌক্তিক প্রস্তাবনার বিরোধিতা করেছিলাম। সেপ্টেম্বর থেকে নভেম্বর ২০০৮ অবধি একটি প্রচারাভিযানের মাধ্যমে দেশ বিদেশের গুরুত্বপূর্ণ প্রায় ১৪৫ সংগঠন ও ৩৭০০ বরণ্য ব্যক্তিবর্গের স্বাক্ষর সংগ্রহ করে স্বাক্ষরকলিপি ও পোস্ট কার্ড সাবেক প্রধান উপদেষ্টা ড. ফখরুদ্দিন আহমেদ, ব্রিটিশ প্রধান মন্ত্রী গর্ডন ব্রাউন ও ব্রিটিশ সরকারের আন্তর্জাতিক উন্নয়ন সংক্রান্ত মাননীয় মন্ত্রী মি: ডগলাস আলেকজান্ডার এর কাছে ডাকযোগে পাঠিয়েছিলাম। ঐ সময় বিষয়টি প্রভূতভাবে গনমাধ্যমে এসেছিল, এমনকি কিছু জনপ্রিয় পত্রিকা এ বিষয়ে সম্পাদকীয়ও লিখেছিল। এ সকল তথ্য www.equitybd.org তে পাওয়া যাবে। আমাদের দাবী ও জনমতের প্রতিফলনকে মূল্যায়ন করে বর্তমান নির্বাচিত সরকার যথায়ত ঐ সময়ে প্রণীত Climate Change Strategy and Action Plan -CCSAP Donor Trust Fund (MDTF) গুরুত্ব পূর্ণ:মূল্যায়ন ও গণমুখী করার উদ্দেশ্য গ্রহন করে। আমরা বর্তমান সরকারের এ উদ্দেশ্যকে স্বাগত জানাই। উল্লেখ্য যে, Climate Change Strategy and Action Plan -CCSAP পূর্ণ:মূল্যায়ন কমিটি MDTF ব্যবস্থাপনার ক্ষেত্রে দেশের একক ও স্বাধীন কতৃত্ব প্রতিষ্ঠার বিষয়ে গুরুত্বারোপ করেছে।

১. ইতোমধ্যে এ তহবিল ব্যবস্থাপনা ও পরিচালনার জন্য ‘খসড়া কনসেপ্ট নোট’ প্রণয়ন করা হয়েছে। MDTF এর ‘খসড়া কনসেপ্ট নোট’ এ বাংলাদেশ সরকারের অর্থনৈতিক সম্পর্ক বিভাগ তহবিল পরিচালনা ও তদারকীর দায়িত্ব বিশ্ব ব্যাংককে দেয়ার প্রস্তাব করেছে।
২. প্রণীত প্রস্তাবনা অনুসারে বিশ্ব ব্যাংক তহবিল ব্যবস্থাপনা ও তদারকীর পাশাপাশি MDTF এর আওতায় বিভিন্ন প্রকল্পও বাস্তবায়ন করবে। এছাড়াও MDTF এর তদারকী ফি হিসেবে বিশ্ব ব্যাংক প্রায় ৮ মিলিয়ন ডলার পাবে। দেশের জলবায়ু পরিবর্তন ঝুঁকি মোকাবেলা তহবিল ব্যবস্থাপনায় বিশ্ব ব্যাংক-এর এ ধরনের কতৃত্ব সর্বোত্তমভাবেই অন্যায়।
৩. উক্ত MDTF এর পাশাপাশি বাংলাদেশ সরকারও জলবায়ু পরিবর্তন ঝুঁকি মোকাবেলায় অর্থ বরাদ্দের ঘোষণা দিয়েছে। ২০০৯-২০১০ অর্থবছরে বাংলাদেশ সরকার ১০০০ কোটি টাকা (৭৫০ মিলিয়ন মার্কিন ডলার) ব্যয় করবে, যেখানে MDTF এ দাতাদের প্রতিশ্রুত অর্থায়ন ৯৮ মিলিয়ন মার্কিন ডলার (যুক্তরাজ্য সরকারের আগামী পাঁচ বছর সময়ের জন্য ৯৬ মিলিয়ন মার্কিন ডলার এবং ডেনমার্ক সরকার প্রদান করবে ২মিলিয়ন মার্কিন ডলার)। প্রশ্ন হলো বাংলাদেশ সরকারের প্রদেয় অর্থের উৎস কি? এবং বাংলাদেশ সরকার কেন এই অর্থ দেবে? এটা হয়তোবা সরকারের রাজস্ব আয় থেকে অথবা সরকারের আন্তর্জাতিক বা আভ্যন্তরীণ উৎস থেকে ঋণ গ্রহন করে দেয়া হবে। কিন্তু বিভিন্ন বহুপাক্ষিক রাজনৈতিক আলোচনায় বিশেষ করে IPCC (Intergovernmental Panel on Climate Change) ও UNFCCC (United Nations Framework Convention on Climate Change) এর বালি সম্মেলনসহ বিভিন্ন নীতিগত দলিলে স্বীকার করে নেওয়া হয়েছে যে, যেহেতু উচ্চতর কার্বন উদগীরণের জন্য উন্নত দেশগুলো দায়ী, সুতরাং উন্নত দেশগুলোকেই এর ক্ষতিপূরণ

দিতে হবে এবং যে অর্থটা তারা এ খাতে দেবে তা তাদের ইতিমধ্যে দেয় উন্নয়ন সাহায্যের জন্য প্রতিজ্ঞা (GNP এর ০.৭%) এর বাইরে হতে হবে। সুতরাং জলবায়ু পরিবর্তন জনিত সমস্যা মোকাবেলার জন্য বাংলাদেশের টাকা প্রদান সম্পূর্ণভাবে অর্থোক্তিক। এ টাকার জন্য বাংলাদেশকে হয়তো আরো ঋণ গ্রহণ হতে হবে অথবা বাংলাদেশ সরকারকে তার গুরুত্বপূর্ণ জনসেবা খাতে আর্থায়ন বাধাগ্রস্ত করবে। যে সমস্যার জন্য বাংলাদেশ মোটেও দায়ী নয়, সেই সমস্যা মোকাবেলার জন্য দেশের অর্থায়ন করাটা উচিত হবেনা বলে আমরা মনে করি।

৪. আমরা যদি বাংলাদেশ সরকারের বাজেটের দিকে তাকাই, দেখা যাবে ২০০৯-১০ অর্থবছরে বৈদেশিক দেনা পরিশোধ বাবদ প্রকল্পিত অর্থায়ন ২ বিলিয়ন ডলার ব্যয় করতে হয়েছে, যা কিনা সরকারের রাজস্ব ব্যয়ের ২২% এর মতো। এটা আমাদের জিডিপি ২.৪%। বাৎসরিক বাজেটে কৃষি (৭.৯%), শিক্ষা (১২.৬%) ও স্বাস্থ্য খাতে (৬.১%) যে বরাদ্দ রেখেছে তার চাইতেও এই অর্থ বেশী। প্রকৃত অর্থে বিশেষ করে শিক্ষা ও স্বাস্থ্য খাতে বরাদ্দ কমার দিকে। যে ভাবে ২য় পিআরএসপিতে দেখানো হয়েছে ২০০৯ - ২০১১ তে বাৎসরিক দেনা পরিশোধের হার রাজস্ব ব্যয়ের ২৫-৩০% ছাড়িয়ে যেতে পারে। দেনা পরিশোধের এই বোঝা অবশ্যই আমাদের সামাজিক নিরাপত্তা খাত সহ অন্যান্য জনসেবা খাত থেকে সরকার টাকা তুলে আনতে বাধ্য হবে, অথচ যখন আমাদের ঐসব খাতে আরো বেশী পরিমাণ টাকার দরকার বিশেষ করে সহস্রাব্দের উন্নয়ন লক্ষ্য সহ জলবায়ু পরিবর্তন জনিত সমস্যা মোকাবেলার জন্য।
৫. আমরা এধরনের একটি অস্বচ্ছ প্রক্রিয়ায় MDTF তহবিল তৈরীর এবং এর ব্যবস্থাপনার জন্য বিশ্ব ব্যাংককে অন্তর্ভুক্তির প্রস্তাব করার প্রতিবাদ ও বিরোধিতা করছি, কারণ, (ক) এটা আন্তর্জাতিকভাবে সর্বসম্মত জলবায়ু অর্থায়নের “Polluter pay and exploiter pay principle” এর বিরুদ্ধে (খ) এটা বিশ্ব ব্যাংককে বিশ্বের অন্যান্য জলবায়ু ঝুঁকি সম্পন্ন দেশের তহবিল ব্যবস্থাপনার দায়িত্ব পেতে বাংলাদেশকে উদাহরণ হিসেবে ব্যবহার করার সুযোগ দেবে, (গ) এই তহবিল ব্যবস্থাপনার সুযোগ নিয়ে বাংলাদেশের দুর্বলতাকে কাজে লাগিয়ে বিশ্ব ব্যাংক বাংলাদেশকে আরো অধিকতর ভাবে বাচবিচার বিহীন ব্যক্তিখাতকরণ ও উদারীকরণ (Privatization and Liberalization) চাপিয়ে দেবে। যা কিনা ইতিমধ্যে আমাদের কাছে প্রমাণিত হয়েছে যে, ঐ সব শর্তগুলো আমাদের মতো দেশে দারিদ্রতা পুনরোৎপাদনের মূল কারণ।
৬. আমরা বিশ্বাস করি যে, (ক) বাংলাদেশ সরকার একক ভাবে ঐ ধরনের একটি তহবিল ব্যবস্থাপনায় গণতান্ত্রিক মালিকানা ভিত্তিতে চালিয়ে নিয়ে যেতে সক্ষম। গণতান্ত্রিক মালিকানা (Democratic ownership) এর অর্থ হচ্ছে, যেখানে তহবিল পরিচালনায় সরকারী প্রতিনিধিত্বের সাথে নাগরিক সমাজ, প্রান্তিক ও ক্ষতিগ্রস্ত জনগোষ্ঠীর প্রতিনিধিত্ব থাকবে (খ) জলবায়ু পরিবর্তন জনিত কৌশল ও কর্মপরিকল্পনা অবশ্যই অংশগ্রহণমূলক ভাবে রাজনৈতিক সরকার ও নেতৃত্বের অংশগ্রহণের ভিত্তিতে প্রস্তুত হতে হবে এবং এর জন্য সরকারকে অবশ্যই পর্যাপ্ত সময় দিতে হবে (গ) সবার উপরে আমরা মনে করি যে, বিষয়টি যেন স্বচ্ছতার সাথে মোকাবেলা করা হয়। জাতীয় গুরুত্বপূর্ণ বিষয় হবার কারণে আমরা মনে করি যে, বিষয়টি সংসদে আলোচনা করা উচিত এবং জনসমক্ষে বিস্তারিতভাবে উপস্থাপন করা উচিত।

আমরা দেশের জাতীয় কোন তহবিল ব্যবস্থাপনায় বিশ্ব ব্যাংক-এর মত দুর্নীতিগ্রস্ত অর্থলগ্নীকারী প্রতিষ্ঠানের অযাচিত হস্তক্ষেপ ও কতৃৎ কোনভাবেই সমর্থন করি না।

আমরা আশা করি, সরকার উপরোক্ত বিষয়গুলোকে গুরুত্বের সাথে বিবেচনা করবেন।

রচনা:

রেজাউল করিম চৌধুরী, আহবায়ক ইকুইটিবিডি
মোঃ সামসুদ্দোহা, সাধারণ সম্পাদক ইকুইটিবিডি

আয়োজক :

এসো, বাংলাদেশ ট্রেড ইউনিয়ন কেন্দ্র, BNNRC, BDPC, কৃষাণী সভা, CAB, CSRL, COAST, EquityBD, MFTD, প্রদীপ, স্বাধীন বাংলা গার্মেন্টস শ্রমিক কর্মচারী ফেডারেশন, উন্নয়ন অন্বেষণ ও ভয়েস

যোগাযোগ:

ইকুইটি এন্ড জাস্টিস ওয়াকিং গ্রুপ বাংলাদেশ (ইকুইটিবিডি)

৯/৪, মোক ২. ক'ব্জি x, খি'কি-১২০৭, তদ্ব: ৮১২৫১৮১, ৮১৫৪৬৭৩, দ'ব'ক: ৯১২৯৩৯৫,

ই'কিবিডি : info@equitybd.org, ই'কিবিডি : www.equitybd.org.